

疾自是兄名鵬舉終安州都督弟名鴻漸為
國相西川節度使至壽逾九十終身無疾

雲笈七籤卷之一百二十一

雲笈七籤卷之一百二十二

崇正

衡州東華觀監齋隱常住驗

道教靈驗記

衡州東華觀物產殷贍財用豐美主持綱領

多恣隱欺有監齋一人其過尤重不知禍福
不信神明或聞罪福報應謂之虛誕常曰道
士用常住物如子孫用父母物耳何罪之有
以此故教誨所不及矣辯於飾非給於應對
人有文過者率引之以為語端如俗中之說

徐六侯白耳既死數年一旦道侶三五人縱
步園林遊春肆目坐石藉草之際觀中牛十
餘頭欹斃於坐倒一人偶曰某監齋常能排
斥罪善不信報對量其積過莫在群牛中否
衆方言笑一牛直詣衆前驅之不去試以某

監齋呼之跪而兩淚每呼名必隨應焉道侶
愍之為拜草修齋謝過遷拔二日夜寓夢致
謝言宿過已赦得往生矣三夕而牛斃

婺州開元觀蒙刺史復常住驗

婺州開元却倚小坡形勢高爽元置之地四

面通街其後居人所侵基地漸狹大殿之後
使逼居人私舍亦有州同勢要占地造宅道
士明知其事未嘗敢言主觀道士夢天上官
吏三五十人自空而下集於殿前即喚此道
士問觀地疆界答云某後生晚長自主觀來

抵據見在而已據老人所言此觀元置為御
容四面通街以防水火今去街極遠盡隔人
家官人點頭曰實然又見一人云是地司所
說亦同有朱衣吏一人進曰此事不煩躬親
指說但處分刺史溫璋即特忽見令人往傳

處分言訖昇空而去明日刺史忽入觀行脚
登尊殿上顧望問道流此觀形勢布置不合
隘窄如此何得側近便有戶人居住道流遂
巡未敢祇對溫郎中曰固應難說即令懸榜
發遣居人四面以官街為界併還常住所侵

占地者據侵住年月限一月內陪納租地
錢隨間數徵地租約數百千充版築垣墻修
飾屋宇六十餘日觀復舊制溫夜夢青童降
曰汝有政理常住之功賜節鎮三任若瀆貨
殺人得其一矣亦如其言

杭州餘杭上清觀道流隱欺常住驗
杭州餘杭上清觀田畝沃壤常住豐實主持
道流每減尅隱欺以私於已雖教門鈐轄官
中舉明必廣費金帛以請託於局吏賄貨既
行多覆藏具罪掩蔽其惡由是州吏縣曹相
知罔冒積弊久矣殿宇摧殘香燈燼絕遊客
經過略無投足之所有識者爲之寒心嫉惡
者有爲之扼腕固有日矣會昌中人家併產
兒女五六輩皆形骸不具瘡聾聵數歲有
白學師自金華山至駐留旬日住持道流因
話其事尊師促令召之既至慈然曰汝何得
作此重業犯負大道致茲耆責邪謂觀中諸
道流曰此奴婢輩皆是此觀前輩道流隱欺
常住恣爲罪業不唯祇受此報方欲更履諸
苦未有解免之期即次第呼其昔日姓名一
一問之數輩亦以曉悟先身之罪啼號嗚咽
闕絕於地尊師令其家各備香油爲之焚香
懺謝求乞赦宥常住亦爲辦齋食供養如是
三日尊師冥心靜定經宿方起曰太上有明
科常住法物供養三寶傳於無窮之世罔不

可輒有隱盜侵欺之者罪及七世生受荼毒
死履諸苦或爲賤人畜類以償昔債雖三元
八節天地肆赦此罪不在可赦之例吾以愍
物之故適爲昌禁上于天府此輩已得止此
一報即生身得於善處矣三旬之後相次有
應此後主持者當明爲鑿成勿履此轍也月
餘瘡聾聵者相續而死惟覺者足稍能履十
餘年後平復如常白尊師言此奴婢名稍輕
即當赦免此奴免之日諸輩皆釋其幽牢也
果如其言以此奴婢平復能行爲冥中赦宥之
期爾

李賞斫龍州牛心山古觀松相驗
龍州牛心山古觀即大唐遠祖隴西李龍邊
梁武陵王蕭紀理益州使遷築城於此所居
既沒葬於山側鄉里立祠號李古人廟武德
中改爲觀其後武氏篡國潛欲革命勅鑿斷
山脉其崗斷處水色變赤其腥如血天寶末
明皇幸蜀駕入劔門有老人蘇坦迎駕奏曰
龍州牛心山國之祖墓因李古人名遂爲州
名古老相傳皆有靈應陛下今日蒙塵之禍

乃則天搗鑿所致請御衣一襲藏於山脉斷
處修築復舊山必有聲如此則免復兩京回
鑾者日矣明皇異其言即命內使齋御衣國
信祭山修築刺史蘇邈准詔以近山四鄉百
姓放明年租稅併功修填還使如舊山果有
聲如牛 明年誅祿山復宮闕至德二年
十月二十八日詔曰江油舊壤境帶靈山自
狩已梁屢昭感應茲郡邑合有增崇可昇
龍州爲都督府賜號應靈郡長慶四年中使
張士謙王元宥刺史府遲銳修之寶曆元年
三月內使閻文清又齋詔祈醮倍宗朝宗子
李特立復以前事上奏請修觀及廟置金錄
道場乃授特立龍州錄事參軍與內使高品
王彥忠就山修飾委東川節度使楊師立選
高法道士衣道常等開黃籙道場醮山祈福
山亦有牛响之聲明年誅黃巢復京邑靈應
復 初中和三年詔昇江油爲望縣其後東
川修造將李賞嘗過山觀見貞古柏皆可
材用因修立廨署苟圖其功不奉使司指揮
徑往望林採伐山臨江澗便於運載所斫材

木捷運未半日夜常有神人誥責之實歷歷聞所誥之聲莫知樓謝之路既而以賊賄發露為衆所怒今相國瑯琊公斬之於都市

蜀州新津縣平蓋化被盜毀伐驗

蜀州新津縣平蓋化即第十六化也神仙崔孝通得道之所其像存焉化有五人長一丈見則天下太平殿左有五女泉水深三四尺飲之愈疾化之上當山之半有搏木樹徑六七尺居人常聞其下有若楚號呼之聲莫知所以大順元年丁未山下居人何六者性本凶悍不懼罪福因值干戈化中無道流棧止乃毀拆屋宇採伐林木為薪以貨之固有日矣一旦諸山前增舍中求水漿以救其渴乏僧素與相識聞其聲哀切出門眎之見其仰面反手如被拘縛喉口喘急流涕於口問其所疾答曰我為毀平蓋化屋宇斫伐樹木今有黃衣使者追捉繫縛將往搏木樹下地獄中考問去渴乏既甚乞少水相救耳以水與之良久徑去死於搏木之下鄉里共所知焉又有人取水泉側古跡雕塑二五女以為

奇玩傳於人間既無五女之像泉畔小舍亦被人毀折近化居人見擒取蓋五女人生魂入化中其人遂風癩焉

嘉州開元觀門非為馬機驗

嘉州開元觀在層岡之上下眺城邑俯貯江山二水紫雲樓崇峻抱頰為郡中之勝舊有高閣臨崖崇樓切漢制度宏巧遠近稱之火曠葺修樓已摧壞官收其材用之餘者為馬廐焉有古制門扉堅朽不蠹亦置於木棧之旁既而夜夜有光炯然可鑿以其為怪乘而不用及遷於紫極宮玄殿內有小赤蛇蟠縱門楹之上累日不去雖衆人聚觀以物驅斥宛然猶在涉旬之外不知所之爾

成都景雲觀三將軍堂柱礎驗

成都景雲觀舊在新北市內節度使崔公安置新市遷於大西門之北觀有三將軍堂此頗靈應既毀撤之後唯柱礎一枚穿掘不得置手足於其上熱愈於火迨巡應心側近居人有犯觸者立有祥應至今猶存

成都卜肆支機石驗

成都卜肆支機石即海客攜來自天河所得織女令問嚴君平者也君平卜肆即今成都小西門之北福感寺南嚴真觀是也有嚴君通仙并圖經謂之嚴仙井及支機石存焉太尉敬煌公好奇尚異多得古物命工人所取支機一片欲為器用以表奇異工人鐫刻之際忽若風聲墜於石側如此者三公知其靈物不復敢取至今所刻之迹在焉復令人穿掘其下則風雷震驚咫尺昏眩遂不敢犯

成都玉局化洞門石室驗

成都玉局化洞門石室昔老君降現之時玉座局脚從地而湧老君昇座傳道既去之後座隱地中陷而成穴遂為深洞與青城第五洞天相連天師以為玉局上應鬼宿不宜開允通氣將不利分野乃刻石以閉之因為石室高六七尺廣一步中鑿玄元之像焉節度使長史章仇兼瓊開元中徧修觀宇崇顯靈迹欲開洞門使人究其深淺發石室之際晴景雷震大風拔木因不敢犯

漢州金堂縣三元觀報迹驗

漢州金堂縣大廳前有雙轍迹與三元觀殿前相連入昌利江際而絕無窪陷之狀與平地一般但隱隱然土色稍異畫跡之其跡似黑夜跡之其色似白月中看之亦帶黑色屈曲行勢遠近相合兩轍即先乾雪即先消此

最高異跡歷歲年雖鋤跡其迹常在頃因離亂主兵者斬入於其廳前微行其迹所行之處微不相續爾青城山天倉峯側地中亦有此迹陷地四五寸開一尺雖年歲更移其迹依舊縹雲仙都山温州仙巖山皆有轍迹或轍石上或在干地與此轍迹靈應無異矣

玉局化九海神龍驗

玉局化九海神龍會稽山處士孫立畫也乾符庚子年九月庚辰夜時下筆已時已畢端琴琬縮者七十三尺壁廣一丈八尺許噴雲鼓波頗為奇狀燕國公劉景宜因夢神龍降於玉局遂畫其像頴川王陳公敬瑄濟并於其前遠近居人時有禱祈者率皆有應一旦川境亢旱有一健步者持酒叩於龍前并欄

之上慢罵曰天早如此用汝何為以大石擊畫龍之脚其痕尚在既還家足疾愈甚痛不可忍使人焚香告謝竟不能解於是數日而殂

青城絕頂上清宮天池驗六時水

青城絕頂上清宮有天池焉距宮之下東南十步深三尺廣亦如之水深尺許滯雨不加積旱不減每春遊山致齋者多則一二百人少或三五十人飲用其水亦無涸竭夏露靈無人汲水水亦不亦或人所行穢立致竭焉頃因遊禮有府中健步一人隨余登山令以梳汲水誤投足於其間頃刻即瀆數月經兩竟亦無水余宿於上清宮焚香祈謝一夕復舊矣昔黃帝命寧君為五嶽丈人嶽神一月再朝虛中灑水以代刻漏陽時則颯然而下陰時即無晝夜凡六時灑水故號六時水焉其所出處在天倉巨巖之前宗玄觀之南三師壇側其下有明皇御容碑水所落處側石為六角池闊三四尺以貯之焉上無泉源亦無流注應時懸降勢若暴雨人或炷香

執爐祝而引之自東自西隨香而灑可移數步之內乾符己亥年觀未與修水常如舊忽有飛赴寺僧竊據明皇真碑舍中擬侵占靈境創為佛院其水遂絕半歲餘僧為飛石所驚蛇虺所擾奔出山外縣令崔正規秋熟入山問鄉間所說甚雜其下焚香以請水乃復降至今不絕

葛瓚化丁東水驗

葛瓚化周回巖密左右嵌穴地靈境秀迥絕諸山故有二十四峯八十一洞為觀下有砥泉源在谷底汲之非便此宮之西過崖磴十五步巨石之下有丁東水出於崖腹滴入窪石竅中積雨不加久旱不竭人或污之立致枯涸中和年刺史安金山准詔授龍都縣參從者三百餘人忽有污觸其水者頃刻乃竭安公與道流頗為憂懼夜至泉所拜手焚香叩祈良久涓涓而滴雖從騎之衆食之充足每年三月三日盤市之辰衆逾萬人宿止山內飲食之外水常有餘

金堂縣昌利化玄元觀九井驗

金堂縣昌利化玄元觀南院玄元殿前有九井馬平陸之上繞深一二尺或方或圓大者五六尺小者三二尺相去各數步泉脉相通而水色皆異其味甘香蓋醴泉之屬也無水早增減之變常溢岸不溢蜀王討東川之年岐隴之師赴援乘銳深入來屆金堂江側江水泛漲雷雨異常遂不克濟師驚而遁時以盛暑探騎十餘人入昌利化見井而喜繫馬解衣將赴泉以浴忽大井中有馬絆蛇騰湧而出首如白虎大若車軸噓氣噴毒勢欲噬人騎卒見之奔避而去又每歲三月三日葦市之辰遠近之人析乞嗣息必於井中探得石者為男丸磔為女古今之所效驗焉

仙都山陰君洞驗

仙都山陰君將欲昇天謂門人劉玄遠曰此山孤峙勢若龍蟠其首東向必當吐雲送我言託有五色雲從地湧出乘雲昇天出雲之處呀成洞穴水旱祈禱立有感通大曆九年七月十五日邑人宇文萬年女人阿伴等一十五人以元節之辰奉香花於洞門禮拜忽

見洞中波濤湧溢出一金手一玉手其大如扇良久乃隱水波亦不復見長慶元年江陵人傅綸聞洞中雷吼之聲咸通初道士王芳芝聞洞中聲如群鳥飛異香紛郁偏於山頂鄉人常占於歲鶴翔必致於年豐鹿鳴必致於歲歉不樓凡鳥每有二鳥廣明辛丑歲刺吏陳休修置道場有祥雲天樂之應甘露法於叢林寵詔褒美中和甲辰年賜紫大德曹用言唯詔齋醮有卿雲瑞雪之祥時既畢黃錄道場未撤門纂有神人見曰靈山齋醮必命神祇主張某即近廟之神差衛壇靖齋功既畢門纂未移某不敢輒還本廟道眾聞其言睹其異遽坵門纂其神見形媿謝而去茲山靈應今古昭彰傳於眾多非可備述

嘉州東觀尹真人石函驗

嘉州東十餘里有東觀在群山中石壁四擁殿有石函長三尺其上鑿鳥獸花卉文理纖妙鄰於鬼工織鑲極固泯然無毫縷之隙相傳云是尹喜真人石函也真人昇天之時以石函付門弟子約之曰此函中有符籙慎不

可開犯之必有大禍郡人遠近咸所敬之大曆中清河崔公為太守惟剛果自恃聞有真人石函笑謂官屬曰平坦平之詐見矣即詣觀跡函使破其鑲道士白曰真人有遺教啓吾函者必有大禍幸君侯無犯仙官之約崔怒曰尹喜死且千年安得獨有函在從命破鑲而堅不可動即以巨索繫函鼻以數牛拽之鞭驅半日石函乃開但有符籙數十軸黃素為幅丹書其文炳然如新矣崔觀畢謂道士曰吾向者謂函中有奇寶故開而閱之今但符籙而已於是令織鑲如舊崔既歸郡是夜暴卒三日而蘇官吏將佐且謁且賀崔謂其眾曰吾甚大愚未嘗知神仙之事無何開闕尹真人石函果有紫衣冥吏直至寢門曰我冥吏也奉命召君君不可拒拒則禍益大矣始聞甚懼不覺隨吏俱去出郡城五十餘里至一官署其冥官即故相呂公諱也謂吾曰子無何開尹真人石函乎今奉上帝命則君之祿壽果如何哉即召吏案吾名籍吏曰崔公有官五任有壽十五年今奉上帝命則

五任官削十三年壽獨有二年。在矣。於是聽崔遷生崔與呂公友善。注告呂公曰。某之罪固不可逃。上帝之責。固非三赦所及矣。適自已招甘心受責。知復何言。然故人何以爲救乎。公曰。折壽削官不可逃矣。吾爲足下致一

第十三

十三

年假職優其祿。廩用副吾子之託耳。崔拜謝。即爲吏所導。還郡。解中見其身卧于榻。妻子環而哭之。使者命崔俯察其尸。魂神翕然。相合。即蘇焉。問其家已三日矣。本郡以白廉使。崔即治葺盡室之成。都具以事告節制崔寧。署攝副使。月給俸錢二十萬。果二年而卒矣。

九嶷山女仙魯妙典石盆鐵臼驗

九嶷山魯妙典仙女得道之所。妙典居山修道。自山門漸遠。就高深岑寂之地。每居作一麓林。蹤跡皆在妙典物居山止。無爲觀中去。何侯宅舜壇三二里。後居第一麓林。已在山上去舜壇五里。其居所有古鏡一面。闊三尺。次作第二麓林。又直北上山三十里。中有石盆可廣三尺。長四尺。自有神水。雨不加溢。旱不減耗。飲之不竭。又有鐵臼重二百五十斤。

延唐縣令王翔令人強取藥曰行未及縣。王翔家舉二十餘口。兩三日中相次俱死。藥曰今在潭州麓山寺中。寺中有犯者。輒病極有靈驗。

真宗皇帝御製天童護命妙經序

第十三

十三

夫妙本難窮。至真善應可道。而非常道無爲。而靡不爲。是以瓊簡瑤函。爰敷寶訓。靈章鳳篆。咸演秘文。標示明科。形容造化。所以宣揚博利。仗助洪鈞。爲善教之全蹄。道舍靈之耳目。朕獲膺元命。茂育群黎。冀廣真詮。潛資庶品。以天童護命經者。

太清密語。金闕真符。素有前徵。播於別錄。其或洗心誠誦。結念奉持。固可却癘。驅邪。臻和致壽。類義圖之立象。幽贊神明。同夏鼎之除妖。不逢醜魅。愈凶災於六極。集戲較於百祥。因模寫以頒行。乃標題而敘列。所期寰海共樂生成云耳。

太上天童經靈驗錄

益州西門內石笋街百姓李萬壽者。年五十餘。景福元年壬子歲三月。中值亂城門盡閉。

家道罄竭。親屬二十餘口。悉皆淪沒。萬壽一身窮悴。其月城開之後。遂往漢州。技託親知。行至新都縣。覺日色猶早。乃更前去。殆至昏黑。無處止息。遙見西山之下。隔橋似有人居。茅齋四向。園林森鬱。萬壽至門。扣扉良久。一

女子出。年纔及笄。忽見萬壽。甚驚。問曰。君是何人。因何至此。萬壽曰。欲往漢州。至此抵夜。願寄一宿。希不艱阻。女子曰。君宜速去。此不可住。萬壽再三懇告。乃曰。緣妾夫婿非人也。萬壽堅問其故。乃曰。妾夫即行病鬼王也。咬食生人。莫知其數。妾即新都縣藍溪行內王萬回家女也。偶然被攝至此。無由歸得。萬壽曰。某至此山路險惡。去亦死。住亦死。願得一處藏匿。必可免難。當爲娘子通報本家。令知在此。女子良久欣然。遂引萬壽入大窰中。以

第十三

十四

物蒙之。萬壽既喜。又懼。不敢喘息。但志心密誦太上天童護命經。四更以來。忽聞大風拔樹。走石飛砂。俄見鞍馬鏗旬。旗隊震耀。入於堂內。須臾而風止。俄又聞軒睡之聲。雷吼達於屋外。夜未曉。女子潛至窰間。語萬壽曰。我

王與群鬼晤矣然王問妾云邇來忽見宅四面金剛力士遍滿空中紫雲之內白鶴仙童羅列前後吾遂急歸復過一老翁四目部領兵使三十餘萬遂吾至大鐵圍山吾奔避窟避直候兵散崎嶇至此今大困之豈是有術人至此否妾但答云此無人也君必有秘術邪為妾言之萬壽曰非無所能適但至心密誦天童護命經耳女子曰君試誦之我願聞也萬壽遂密密誦經一遍女子稽首跪聽移時讚歎乃曰豈非此經靈驗否言訖復入室內忽寂然無物但有空房四向尋覓絕無影響但聞香風颯颯覺在土穴中仰見天色皎然遂奔至甕所驚告萬壽同尋香氣而出天色漸曉方知身在大古墓中相顧悚懼萬壽遂引女子至新都縣尋其本家父母聚族悲喜問其事由遠近人民傳說驚歎以錢十萬莊一所贈萬壽即於嚴真觀入道其女子之父王萬回即於萬壽處傳受天童經於玉皇觀中入道

雲笈七籤卷之一百二十二

至言總卷之一

去一

會稽禹穴道士范備撰

齋戒

夫入靜修真要齋戒檢口慎過其道漸階南華真經云頽曰曰敢問其方仲尼曰齋吾將語若頽曰曰回家貧不飲酒不茹葷者數月矣可以為齋乎曰是祭祀之齋非心齋也曰曰敢問心齋仲尼曰唯道集虛虛者心齋也又孔子問至道老子曰汝齋戒疏淪而心際雪而精神拮擊而智夫道自然難言哉將為汝言其崖略玄元皇帝聖紀云按諸經齋法略有三種一者設齋以精德解愆二者節食齋可以和精神保壽斯謂祭之齋中士所行也三者心齋論疏淪其心除嗜慾也燥雪精神去穢累也拮擊其智絕思慮也夫無思無慮則專道無嗜無慾則樂道無累則合道既心無二想故曰一志焉蓋上士所行也夫齋者齊也齊整三業乃為齊美若空守節食既深識未齊又唯存一志則口无貪味謂茲二法表裏相資大誠經云夷心靜默專想不二

過中不味內外清虛是也孔子雖薄閑節食未解調心故示齋法令其受道而未學之徒孰能虛心一志哉夫鄙手祭祀之教自謂得心齋之理蓋噴囁急慢之夫矣雖口談空寂无解其自是自務也

六種

- 第一上清齋有二法一絕群獨宴靜氣遺形三清壇肅侶依太真儀格
 - 第二靈寶齋有六法一金錄齋救度國王二黃籙齋救拔世祖三明真齋懺悔九幽三
 - 元齋首謝違犯科戒五八節齋懺洗宿新之過六自然齋為百姓祈福
 - 第三洞神齋精簡為上絕塵期靈
 - 第四太一齋以恭肅為首
 - 第五旨教齋以清素為貴
 - 第六塗炭齋以勤苦為功
- 此諸齋自古及今登壇告盟啓誓玄聖或三日七日九日十五日皆晝夜六時行道轉經禮懺儀格甚重條列上清絕群獨宴靜氣遺形心齋之外自餘皆是為國王民人學真道

士拔度先祖已躬謝過獲災致福之齋此時
移代異不無詳略於靈寶齋中或為半景之
齋既無宿請亦無言功唯只一時或兩時儀
悔亦不三時上香步虛禮經並關或大小齋
中三禮歎願隨時去取逐便制宜既非大集
心達而已三元品戒經云正月七月十月天
地水三官檢勾之日可修齋聖紀云正月七
日名舉遷賞上會齋七月七日名慶生中會
齋十月五日名建生下會齋此三會齋三官
考教功過依日齋戒呈章賞會可析景福明
真科云正月三月五月七月九月十一月一
歲六齋月能修齊上三天帝令太一使者除
人十苦八道秘言云正月三月四月六月七
月八月九月十月十一月此九真齋月一日
十五日二十九日此月中三齋日正月一日
名天臘五月五日名地臘七月七日名道德
臘十月一日名民歲臘十二月臘日名主侯
臘此五臘日並宜修齋并祭祀先祖明真科
云月一日初八日十四日十五日十八日二
十三日二十四日二十八日二十九日三十

日此為十直齋日庚申甲子八節太一八神
下司察人過咎修齋太一歡悅庚申日人身
中三尸上天言人罪過本命日受法人身神
吏兵上天計人功過又甲子日半夜時甲戌
日黃昏時已上天星真官下日甲申日晡時
甲午日日中時已上地星真官下日甲辰日
食時中寅日平旦時已上人星真官下日其
日五嶽四瀆神君各依方位糾察善惡無不
上聞又丁卯日出時丁丑日鷄鳴時已上
天皇真官下日丁酉日日入時丁亥日人定
時已上地皇真官下日丁未日日晡時丁巳
日禺中時已上人皇真官下日其日修齋
五嶽真人各遣五神營衛記名仙籙三洞奉
道科云正旦為獻壽齋初七日為延神齋二
月八日為芳春齋四月八日為啓夏齋五月
五日為續命齋六月六日為清暑齋七月七
日為迎秋齋八月一日為逐邪齋九月九日
為延算齋十月一日為成福齋十一月十五
日為啓福齋十二月臘日為百福齋二十八
日為迎新齋立春為建善齋春分為延福齋

立夏為長善齋夏至為朱明齋立秋為遼齡
齋秋分為謝罪齋立冬為遵善齋冬至為廣
慶齋如此等齋各具本經儀格故學道不修
齋戒徒勞山林矣夫齋者正以清虛恬靜謙
卑恭敬戰戰兢兢如履冰谷若對嚴君丹誠
謙若必祈靈應檢勅內外無使喧嘩行齋之
人特忌斬衰孝子新產婦人月信未斷及害
瘡疥諸廢疾等並不得昇齋堂庭壇驅使如
願苦求預齋乞解過咎者任投詞為其陳懺
悔謝不得雜壇堂宇應行法事等仍遵令別
坐兼忌六言蓋此等八機關其靈冥
聖不降乃修齋之功也
凡修齋主虔誠齋官整肅至如香燈不備亦
曰疎遺啓聖祈真莫先於此香貴在沉水梅
檀依上清香珠丸合和不得用甲屑招真致
靈務存精志如寒樓學真道上修齋單貧不
可致者亦宜以少為信無令頓闕若雜以乳
頭非道家所用也初登齋靜看焚香氣向東
南北直上者五帝依向而至登真隱訣云
香者天真用茲以通感地祇緣斯以達言非
論齋潔析念存思必燒香左右侍香金童必